

BOSNA I HERCEGOVINA
FEDERACIJA BOSNE I HERCEGOVINE
UNSKO - SANSKI KANTON
GRAD CAZIN

SLUŽBENE NOVINE
GRADA CAZIN

GODINA I

BROJ 12

23.07.2025.
CAZIN

228. Na osnovu člana 27. Uredbe sa zakonskom snagom o Ustanovama (Službeni list R BiH, br.: 6/92, 8/93 i 13/94) i člana 30. stav 3. Odluku o izvršavanju budžeta Grada Cazina za 2025. godinu (Službene novine Grada Cazina broj 1/25) na prijedlog JU „Centar za kulturu i turizam Cazin, te pozitivnog mišljenja br. 02/1-11-582/25, od 02.06.2025. godine Službe za finansije, računovodstvo i trezor Grada Cazina, Gradonačelnik donosi:

**PRAVILNIK
O KRITERIJIMA, NAČINU I POSTUPKU RASPODJELE SREDSTAVA ZA
PROJEKTE U KULTURI I TURIZMU IZ TEKUĆEG TRANSFERA
UDRUŽENJIMA GRAĐANA ZA 2025. GODINU**

I OPĆE ODREDBE

**Član 1.
(Predmet Pravilnika)**

Ovim Pravilnikom se utvrđuju kriteriji, način i postupak raspodjele budžetskih sredstava JU „Centar za kulturu i turizam“ Cazin (u daljem tekstu: Ustanova) za projekte u oblasti kulture i turizma iz „Tekućeg transfera udruženjima građana (kulturno-umjetnička društva i avanturističko-sportska društva)“ za 2025. godinu.

**Član 2.
(Aplikanti)**

Korisnici sredstava iz člana 1. ovog Pravilnika su kulturno-umjetnička društva i udruženja građana koja realiziraju projekte u oblasti kulture i turizma sa sjedištem na području Grada Cazina.

**Član 3.
(Iznos ukupnih sredstava)**

Ukupno raspoloživa sredstva iz „Tekućeg transfera udruženjima građana“ za 2025. godinu su ograničena i iznose 35.000,00 KM.
Maksimalni iznos sredstva za dodjelu je 5.000,00 KM po aplikantu.

II JAVNI POZIV

**Član 4.
(Javni poziv)**

Sredstva iz Budžeta Ustanove se dodjeljuju isključivo na osnovu javnog poziva, po prethodno pribavljenom mišljenju Službe za finansije, računovodstvo i trezor Grada Cazina.
Javni poziv se objavljuje na zvaničnoj stranici Ustanove (www.ckt.ba) i na oglasnoj ploči Ustanove.
Javni poziv ostaje otvoren petnaest (15) dana od dana objavljivanja.

Član 5.

(Komisija za odabir projekata)

Postupak po javnom pozivu provodi tročlana Komisija za ocjenjivanje projekata (u daljem tekstu: Komisija) koju rješenjem imenuje Upravni odbor Ustanove.

Način rada i odlučivanja Komisije bliže se uređuje poslovníkom o radu koji donosi Komisija.

III POSTUPAK DODJELE SREDSTAVA

Član 6. (Prijava)

U postupku prijave na javni poziv aplikanti su dužni podnijeti prijavu koja treba da sadrži:

- popunjen prijavni obrazac (sastavni dio javnog poziva)
- rješenje o registraciji
- uvjerenje o poreskoj registraciji
- transakcijski račun (kopija ugovora s bankom ili potvrda banke)
- potvrdu o prethodno realiziranim projektima (listu ovjerenu od strane podnosioca projekta) ili preporuku gradskog organa uprave o istima
- ponudu ili predračun za svaki iznos nabavke roba ili usluga veći od 1.000,00 KM

Aplikant može tražiti ukupan iznos vrijednosti projekta, ili dio nedostajućih sredstava, što je dužan naznačiti u zahtjevu.

Ustanova zadržava pravo da ne dodijeli sva dostupna finansijska sredstva.

Aplikanti su dužni dostaviti izvještaj o namjenskom utrošku sredstava doznačenih iz „Tekući transfer udruženjima građana“ sa odgovarajućom dokumentacijom do roka koji će se definisati pojedinačnim ugovorima o dodjeli sredstava.

Ukoliko aplikant kojem su dodjeljena sredstva iz Budžeta Ustanove, po bilo kojem osnovu, za prethodne godine nije dostavio izvještaj iz prethodnog stava ovog člana, ne može učestvovati u raspodjeli sredstava za tekuću godinu.

Član 7. (Prijavni obrazac)

Prijavni obrazac je sastavni dio javnog poziva i podnosi ga ovlašteno lice aplikanta, a sadrži:

- naziv projekta
- informacije o aplikantu (puni naziv i sjedište, registracioni broj)
- adresa aplikanta (ulica, mjesto, broj telefona)
- e-mail aplikanta
- web stranica (ukoliko postoji)
- ime i prezime odgovorne osobe za provođenje projekta/ koordinatora
- vrijeme trajanja projekta
- opis projekta
- ciljevi
- aktivnosti
- očekivani rezultati
- partnerski odnosi i uloga partnera

- budžet
- održivost
- spisak potrebne dokumentacije za prijavu.

IV KRITERIJI ZA VREDNOVANJE

Član 8. (Kriteriji za vrednovanje projekata)

Komisija iz člana 5. ovog Pravilnika vrši odabir projekata na osnovu kriterija podijeljenih u 2 kategorije:

- a) kriteriji za odabir projekata u kulturi
- b) kriteriji za odabir projekata u turizmu

Kriteriji za odabir projekata u kulturi:

- da je iz projekta jasno vidljivo da se radi o aktivnostima iz oblasti kulture
- da se radi o projektu koji ima kulturnu, umjetničku, historijsku, duhovnu ili prostornu vrijednost
- da se radi o projektu koji će se realizirati na području grada Cazina
- da se projektom ne diskriminiše bilo koja grupa stanovništva
- da je projektom jasno definisana ciljna grupa koja obuhvata veći broj krajnjih korisnika
- da su očekivani rezultati mjerljivi, realni i ostvarivi
- da projekt u fokusu ima izvođenje programa, akcija i manifestacija u oblasti kulture
- da je budžet realan i u skladu s aktivnostima projekta
- da aplikant može dokazati prethodne reference u realizaciji projekata iz oblasti kulture
- da projekat ima lokalnu, regionalnu ili nacionalnu kulturnu vrijednost
- procenat osiguranog sufinansiranja projekta

Kriteriji za odabir projekata u turizmu:

- da je iz projekta jasno vidljivo da se radi o aktivnostima iz oblasti turizma
- da se radi o projektu koji ima turističku, sportsku, avanturističku, edukativnu vrijednost
- da se radi o projektu koji će se realizirati na području grada Cazina
- da se projektom ne diskriminiše bilo koja grupa stanovništva
- da je projektom jasno definisana ciljna skupina koja obuhvata veći broj krajnjih korisnika
- da su očekivani rezultati mjerljivi, realni i ostvarivi
- da projekat ima u fokusu izvođenje programa, akcija i aktivnosti iz oblasti turizma, sporta, edukacije ili njihove kombinacije
- da je budžet realan i u skladu sa aktivnostima projekta
- da aplikant može dokazati prethodne reference u realizaciji projekata iz oblasti turizma, sporta, edukacije ili njihovih kombinacija
- da projekat ima lokalnu, regionalnu ili nacionalnu turističku vrijednost
- procenat osiguranog sufinansiranja projekta

Sve prijave na javni poziv koje ne zadovoljavaju bilo koji od ispod navedenih (eliminatornih) kriterija će biti odbačene:

- prijava na javni poziv nije blagovremena
- nedostaju formalni uvjeti za kandidiranje projekta (nepotpuna ili netačna dokumentacija)

- nije opravdan utrošak sredstava za ranije odobrene projekte (nije dostavljen finansijski i narativni izvještaj o provođenju ranije odobrenih projekata)
- sve aktivnosti projekta se dešavaju van teritorije grada Cazina
- prijavni obrazac nije popunjen u potpunosti
- projektom se podržava rad političke stranke
- projekat ne promovise kulturu i turizam
- projektom se vrši neki oblik diskriminacije
- administrativni troškovi projekta prelaze 20% sredstava budžeta projekta
- nedostaju ključne informacije o projektu

V KOMSIJA

Član 9. (Bodovanje)

Svaki član Komisije će bodovati priloženi projekt po kriterijima iz prethodnog člana (stav 3.i 4.) ovog Pravilnika ocjenom od 1 do 5, i to na sljedeći način: 1= veoma loše, 2= loše, 3= odgovarajuće, 4=dobro i 5= veoma dobro.

Konačna ocjena projekta predstavlja zbir bodova svih članova Komisije po svakom od kriterija.

Komisija konačnu ocjenu svakog projekta vrši na obrascu koji je sastavni dio ovog Pravilnika.

Član 10. (Izveštaj o radu komisije)

Nakon ocjenjivanja projekata po kriterijima navedenim u članu 8. ovog Pravilnika, Komisija će, što prije, a najduže u roku od trideset dana od dana okončanja javnog poziva, direktoru Ustanove podnijeti izvještaj o radu koji uključuje:

- prijedlog rang liste odobrenih projekata s brojem ostvarenih bodova za svaki projekt i predloženim iznosom finansijskih sredstava za realizaciju tog projekta
- razloge zbog kojih projekt aplikantata po javnom pozivu nije predložen za realizaciju i dodjelu sredstava iz Budžeta Ustanove.

Član 11. (Rang lista)

Na osnovu izvještaja o radu Komisije iz prethodnog člana ovog Pravilnika i prijedloga rang liste odobrenih projekata, Odluku o dodjeli sredstava donosi direktor.

Ustanova pismeno ili na drugi prikladan način obavještava aplikanta da je prijedlog projekta prihvaćen, te o broju bodova koji je prijedlog projekta dobio od strane Komisije, u roku od sedam dana od dana donošenja odluke iz stava (1) ovoga člana.

Ustanova pismeno ili na neki drugi prikladan način obavještava aplikanta da je prijedlog projekta odbačen iz formalno-pravnih razloga u skladu sa članom 8. ovoga Pravilnika, odnosno da nije

odobren za finansiranje ili sufinansiranje, u roku od sedam dana od dana donošenja odluke iz stava (1) ovoga člana.

V IZVJEŠTAVANJE I NADZOR

Član 12. (Ugovori i nadzor nad realizacijom projekata)

Direktor Ustanove će sa odabranim aplikantima zaključiti ugovor o međusobnim pravima i obavezama.

Ustanova prati provedbu odobrenog projekta analizom dostavljenih izvještaja, prisustvom aktivnostima na projektu, neposrednom komunikacijom s korisnicima projekata, davanjem smjernica za korekcije uočenih nedostataka u provedbi projekata i na drugi primjeren način.

Odabrani aplikant je dužan na zahtjev Ustanove dostaviti projektnu i finansijsku dokumentaciju na uvid.

Ustanova može, kada to ocijeni neophodnim, izvršiti direktnu kontrolu na terenu o načinu realizovanja odobrenog projekta i načinu utroška odobrenih sredstava.

VI ZAVRŠNE ODREDBE

Član 13. (Stupanje na snagu)

Prema članu 118. Statuta Grada Cazina ovaj Pravilnik stupa na snagu danom objave u Službenim novinama Grada Cazina, te će isti biti objavljen na službenoj web stranici Ustanove.

Broj: 731-1/25

Datum: 16.07.2025. godine

GRADONAČELNIK
mr. Nermin Ogřešević

.....

229. Na osnovu člana 36. stav 11. Odluke o izvršenju Budžeta Grada Cazin za 2025.godinu („Sl.novine Grada Cazin“, broj: 1/25), a u vezi sa članom 15. Zakona o principima lokalne samouprave u FBiH („Sl.novine F BiH“, broj: 49/06), člana 38. i člana 116. Statuta Grada Cazin (“Sl.novine Grada Cazin” broj: 4/21), na prijedlog Službe za opću upravu i društvene djelatnosti, Gradonačelnik donosi

PRAVILNIK
o dopuni Pravilnika o
sufinansiranju projektnih i drugih aktivnosti ustanova
predškolskog odgoja i osnovnog obrazovanja

Član 1.

U odredbama člana 3. Pravilnika o sufinansiranju projektnih i drugih aktivnosti ustanova predškolskog odgoja i osnovnog obrazovanja, („Službene novine Grada Cazin“ broj:3/25) u stavu 1. iza alineje 3, dodaje se nova alineja, koja glasi:

- Sufinansiranje troškova u postupku pribavljanja urbanističke saglasnosti i odobrenja za građenje koji se odnose na naknadu za uređenje gradskog građevinskog zemljišta, naknadu iz osnova prirodne pogodnosti – rentu i naknadu za izgradnju skloništa.

U članu 7. Pravilnika o sufinansiranju projektnih i drugih aktivnosti ustanova predškolskog odgoja i osnovnog obrazovanja, u stavu 1. iza alineje e) , dodaje se nova alineja f) , koja glasi:

- Rješenje ili zaključak nadležnog organa, sa utvrđenim iznosom naknade za uređenje gradskog građevinskog zemljišta, naknade iz osnova prirodne pogodnosti – rente ili naknade za izgradnju skloništa.

Član 2.

Ovaj Pravilnik stupa na snagu danom objave u „Službenim novinama“ Grada Cazin.

Broj: 01/GN-11-9592/25
Cazin, 21.07. 2025. godine

GRADONAČELNIK:
mr. Nermin Ogršević

.....

230. Na osnovu člana 36. stav 11. Odluke o izvršenju Budžeta Grada Cazin za 2025.godinu („Sl.novine Grada Cazin“, broj: 1/25), a u vezi sa članom 15. Zakona o principima lokalne samouprave u FBiH („Sl.novine F BiH“, broj: 49/06), člana 38. i člana 116. Statuta Grada Cazin (“Sl.novine Grada Cazin” broj: 4/21), na prijedlog Službe za opću upravu i društvene djelatnosti, Gradonačelnik donosi

PRAVILNIK
o dopuni Pravilnika
o sufinansiranju projektnih i drugih aktivnosti ustanova
predškolskog odgoja i osnovnog obrazovanja

Član 1.

U odredbama člana 3. Pravilnika o sufinansiranju projektnih i drugih aktivnosti ustanova predškolskog odgoja i osnovnog obrazovanja, („Službene novine Grada Cazin“ broj:3/25) u stavu 1. iza alineje 3, dodaje se nova alineja, koja glasi:

- Sufinansiranje troškova u postupku pribavljanja urbanističke saglasnosti i odobrenja za građenje koji se odnose na naknadu za uređenje gradskog građevinskog zemljišta, naknadu iz osnova prirodne pogodnosti – rentu i naknadu za izgradnju skloništa.

U članu 7. Pravilnika o sufinansiranju projektnih i drugih aktivnosti ustanova predškolskog odgoja i osnovnog obrazovanja, u stavu 1. iza alineje e) , dodaje se nova alineja f) , koja glasi:

- Rješenje ili zaključak nadležnog organa, sa utvrđenim iznosom naknade za uređenje gradskog građevinskog zemljišta, naknade iz osnova prirodne pogodnosti – rente ili naknade za izgradnju skloništa.

Član 2.

Ovaj Pravilnik stupa na snagu danom objave u „Službenim novinama“ Grada Cazin.

Broj: 01/GN-11-9592/25
Cazin, 21.07. 2025. godine

GRADONAČELNIK
mr. Nermin Ogršević

.....

231.Na osnovu člana 15. Odluke o organizaciji i djelokrugu rada Jedinstvenog Gradskog organa uprave Grada Cazina (“Službene novine Grada Cazina” broj 1/17, 1/18, 8/21 i 13/21) i člana 116. Statuta Grada Cazin (“Službene novine Grada Cazina”, broj 04/21) Gradonačelnik donosi:

R J E Š E N J E

o imenovanju Komisije za ocjenjivanje i odabir prijava po Javnom pozivu Programa podrške marginaliziranim grupama žena i pripadnicima drugih marginaliziranih grupa u razvoju biznisa

I

Ovim Rješenjem se imenuju članovi Komisije za ocjenu i odabir prijava po Javnom pozivu Programa podrške marginaliziranim grupama žena i pripadnicima drugih marginaliziranih grupa u razvoju biznisa u slijedećem sastavu:

1. Zemira Sejdinović, Stručni saradnik za privredu, predsjednik komisije,
2. Nermina Begić, Stručni saradnik za privredu, član,
3. Asim Selimović, Stručni saradnik za privredu, član.

II

Zadaci Komisije za ocjenu i odabir prijava po Javnom pozivu Programa podrške marginaliziranim grupama žena i pripadnicima drugih marginaliziranih grupa u razvoju biznisa su:

- ocjena i odabir pristiglih prijava po Javnom pozivu,
- izrada prijedloga Rang liste o raspodjeli sredstava,

III

Ovo Rješenje stupa na snagu danom donošenja, a ima se objaviti u Službenim novinama Grada Cazina.

Broj: 01/GN-11-8517-2/25
Cazin, 17.07. 2025. godine

GRADONAČELNIK
mr. Nermin Ogrišević

.....

SADRŽAJ**GRADONAČELNIK**

228.	PRAVILNIK O KRITERIJIMA, NAČINU I POSTUPKU RASPODJELE SREDSTAVA ZA PROJEKTE U KULTURI I TURIZMU IZ TEKUĆEG TRANSFERA UDRUŽENJIMA GRAĐANA ZA 2025. GODINU	2
229.	PRAVILNIK o dopuni Pravilnika o sufinansiranju projektnih i drugih aktivnosti ustanova predškolskog odgoja i osnovnog obrazovanja	8
230.	PRAVILNIK o dopuni Pravilnika o sufinansiranju projektnih i drugih aktivnosti ustanova predškolskog odgoja i osnovnog obrazovanja	9
231.	RJEŠENJE o imenovanju Komisije za ocjenjivanje i odabir prijava po Javnom pozivu Programa podrške marginaliziranim grupama žena i pripadnicima drugih marginaliziranih grupa u razvoju biznisa	10

IZDAVAČ: SLUŽBA ZA STRUČNE POSLOVE GRADSKOG VIJEĆA GRADA CAZIN

